

水經注卷十一

漢 桑 欽撰

後魏酈道元注

易水 幽州入

滹水 幽州入河班云行九百四十里

易水出涿郡故安縣閭鄉西山

易水出西山寬中谷東逕五大夫城南昔北平侯

王譚不同王莽之政子興生五子並避時亂隱居

此山故其舊居世以為五大夫城即此岳讚云五

王在中麗葛建績者也 謝云宋本作麗葛連續 易水東左與

水經注

卷十一

易水

子莊溪水合水北出子莊關南流逕五公城西屈

逕其城南五公猶王興之五子也光武即帝位封

為五侯元才北平侯益才安喜侯顯才蒲陰侯仲

才新市侯季才為唐侯所謂中山之五王也俗又

以五公名居矣二館之城 二館謂樊於期荆軻並有一城 澗曲泉

清山高林茂風煙披薄觸日怡情方外之士尚憑

依舊居取暢林木 一作水 其水東南入于易水易水

又右會女思谷水水出西南女思澗東北流注于

易謂之三會口易水又東屆關門城西南即燕之

水經注卷十一  
易水出涿郡故安縣閭鄉西山  
王莽之政子興生五子並避時亂隱居  
此山故其舊居世以為五大夫城即此岳讚云五  
王在中麗葛建績者也  
謝云宋本作麗葛連續  
易水東左與

末云小語溫  
麗只是不肯  
不離不肯不  
深耳





長城門也。與樊石山水合。水源西出廣昌鄉縣之樊石山。東流逕覆釜山下。東流注于易水。易水又東歷燕之長城。又東逕漸離城。南蓋太子丹館。高漸離處也。易水又東逕武陽南。蓋易自寬中歷武夫關東出。是兼武水之稱。故燕之下都擅武陽之名。左得濡水枝。津故瀆。武陽大城。東南小城。卽故安縣之故城也。漢文帝封丞相申屠嘉爲侯國。城東西二里。南北一里半。高誘云。易水逕故安城南。外東流卽斯水也。誘是。涿人事明經證。今水破城。

水經注

卷十一

二

東南隅。世又謂易水爲故安河。武陽蓋燕昭王之所城也。東西二十里。南北十七里。故傅逮述遊賦曰。出北薊。歷良鄉。登金臺。觀武陽兩城。遼廓舊迹。冥芒蓋謂是處也。易水東流而出於范陽。東過范陽縣南。又東過容城縣南。

易水逕出范陽縣故城。秦末張耳陳餘爲陳勝畧地。命燕趙蒯通說之。范陽先下。是也。漢景帝中元三年。封匈奴降王代爲侯國。王莽之通順也。易水又東與濡水合。出故安縣西北窮獨山南谷。東流



譚六廣運岡  
亦作罍或罍  
言之誤

與源泉水合水發北溪東西北注濡水濡水又東  
南逕樊於期館西是其授首於荆軻處也濡水又  
東南流逕荆軻館北昔燕丹納田生宋本之言尊  
軻上卿館之於此二城金廣一里許俱在罍當作  
阜之上上邪而下方濡水又東逕疑脫陽城西北  
舊竭濡水枝流南入城逕相冢西冢亘城側即水  
塘也四周塋城深廣有若城焉其水側有數陵墳  
高壯望若青丘詢之古老訪之史籍金無文證以  
私情求之當是燕都之前故墳也或言燕之墳塋

水經注

大卷十一

斯不然矣其水之故瀆南出屈而東轉又分為二  
瀆一水東注金臺陂一水逕故安城西側城南注  
易水夾塘崇峻邃岸高深左右百步一釣臺參差  
交跂宋本迢遞相望更為佳觀矣其一水東出金  
臺陂東西六七十步南北五十步側陂西北有釣  
臺高丈餘太平御覽引方可四十步陂北十餘步  
有金臺臺上東西八十許步南北如減高十餘丈  
昔慕容垂之為范陽也戍之即此臺北有蘭馬臺  
金悉高數丈秀峙相對翼臺左右水流經通長廡



廣宇周施浦渚崑按御覽作周旋被浦棟堵咸淪

礎尚存是其基構可得而尋意欲圖還上京阻於

行旅造次不獲遂心訪諸耆舊咸言昭王禮賓廣

延方士至如郭隗樂毅之徒鄒衍劇辛之儔宦遊

歷說之民自遠而屆者多矣不欲令諸侯之客伺

隙燕邦故修連下都館之南垂言燕昭創之於前

子丹踵之於後故雕牆敗館尚傳鐫刻之名雖無

紀可憑察其古跡似符傳矣御覽作雖無經記可憑察其古跡似符宿

矣傳濡水自堰又東逕紫池堡西屈而北流又有渾

水經注

卷十一

塘溝水注之水出遼縣西道舊本作酋漢地志作迺白馬山南

溪中東南流入濡水濡水又東至塞口古纍石堰

水處也濡水舊枝分南入城東大陂陂方四里今

無水陂內有泉淵而不流際池北側俗謂聖女泉

濡水又東得白楊水口疑作水出遼縣之西山白楊

嶺下東南流入濡水時人謂之虎眼泉也濡水東

合檀山水水出遼縣西北檀山西南南流與石泉

水會水出石泉固東南隅水廣二十許步深三丈

固在衆山之內平川之中四周絕澗阻水八丈有

水經注

卷十一

四



鍾云不周正  
映四周宇

鍾云不周正  
映四周宇

餘石高五丈石上赤土又高一丈四壁直立上廣  
四十五步水之不周者路不容軌僅通人馬謂之  
石泉固。固上宿有白楊寺。是白楊山神也。寺側林  
木交蔭。叢柯隱景。沙門釋法澄建刹於其上。更爲  
思玄之勝處也。其水南流注于檀水。故俗有并溝  
之稱矣。其水又東南流。歷故安縣北。而南注濡水。  
又東南流於容城縣西北。大利亭東南。合易水而  
注巨馬水也。故地理志曰。故安縣閭鄉。易水所出。  
至范陽入濡水。關駟亦言是矣。又曰。濡水合渠。許

水經注

卷十一

慎曰。濡水入深深渠。

許氏說文云。濡水出涿郡故安。東入溱。溱

二號卽

巨馬之異名。然二易俱出一鄉。同入濡水。南濡北

易。至涿郡范陽縣會北濡。又並亂流入溱。

古作入溱。疑當

作溱。說文可據。吳本改作溱。

是則易水與諸水互攝。通稱東溱。

容成縣故城北。渾濤東注。至勃海。平舒縣與易水

合。關駟曰。涿郡西界代之易水。而是水出代郡廣

昌縣東南。郎山東北。燕王仙臺東。臺有三峯。甚爲

崇峻。騰雲冠峰。高霞翼嶺。岫壑冲深。合一作真。得。得。得。煙罩霧

者。舊言燕昭王求仙處。其東謂之石虎。范曄漢

涿郡志注云  
易水至范陽入

朱云他注如

方嶺雲回奇

峯霞舉乃正

經敘法此云

騰雲冠峯高

雲翼嶺乃倒



可法此想一  
醒便覺勝前  
尚多許

書云中山簡王之窆也厚其葬採涿郡山石以樹墳塋陵隧碑獸並出此山謂之石虎山山有所遺

二石虎後人因以名置之東麓卽泉源所導也經

所謂閭鄉曲

經文作閭鄉西山

其水東流有毖水南會渾

波同注俗謂之爲雹河司馬彪郡國志曰雹水出

故安縣世祖令耿況擊故安西山賊吳耐蠡符雹

上十餘營皆破之卽是水者也易水又東逕孔山

北山下有鍾乳穴穴出佳乳採者篝火尋路

古本作炒

一作沙入穴里許渡一水潛通流注其深可涉於中

水經注

卷十一

六

朱云敘幽穴  
真音如見

譚云曲折盡  
致

衆穴奇分令出入者疑迷不知所趣每於疑路必

有歷記返者乃尋孔以自達矣上又有大孔壑達

洞開故以孔山爲名也其水又東逕西故安城其

南卽閭鄉城也歷逕荆陘北者舊云燕丹餞荆軻

於此因而名焉世代已遠非所詳也遺名舊傳不

容不詮庶廣後人傳聞之聽易水又東流屈逕長

城西又東流南過武遂縣南新城縣北史記曰趙

將李牧伐燕取武遂方城是也俗又謂水爲武遂

津津北對長城門謂之分門史記趙世家云孝成



十九年趙與燕易以龍兌汾門與燕燕以為城武陽與趙即此也亦曰分水門原作門門誤今又謂據郡國志改正

之梁門矣易水東分為梁門陂易水又東梁門陂水注之水上承易水於梁門東入長城東北入陂

陂水北接范陽陂陂在范陽城西十里方一十五里俗亦謂之為鹽臺陂陂水南通梁門淀方三里

淀水東南流出長下疑有說又謂之范水易水自下有范水通目又東逕范陽縣故城南即應劭所謂范

水之陽也易水又逕樊輿縣故城北漢武帝元朔水經注

八卷十一

五年封中山靖王子劉條為侯國王莽更名握符矣地理風俗記曰北新城縣東二十里有有或作東

樊輿亭故縣也易水東逕容城縣故城南漢高帝六年封趙將夕一作夜於深澤景帝中元三年以封

匈奴降王攜徐盧於容城皆為侯國史記作唯徐盧吳依漢書

改王莽更名深澤易水又東渥水注之其水上承二陂於容城縣東南謂之大渥澱小渥澱水南流

注易水謂之渥同口水側有渾渥城易水逕其南東合澹水故桑欽曰易水出北新城城北東入澹

碑云作東字  
非應是所  
文



自下涑易互受通稱矣。易水又東逕易京南。漢末公孫瓚害劉虞於薊下。時童謠云：燕南垂，趙北際。唯有此中可避世。瓚以易地當之，故自薊徙臨易水。謂之易。京城在易城西四五里。趙建武四年，石虎自遼西南達易京，以京鄣至固，令二萬人廢壞之。今者地壁夷平，其樓基尚存，猶高一匹餘。小爾雅云：二丈為兩倍，兩為匹。是四丈為一匹也。基上有井，世名易京樓，卽瓚所堡也。故瓚所與子書云：袁氏之攻，狀若鬼神，衝梯舞于樓上，鼓角鳴于地中。卽此樓也。易水又東

水經注

卷十一

逕易縣故城南。昔燕文公徙易，卽此城也。闕駟稱太子丹遣荆軻刺秦王，與賓客知謀者祖道于易水上，皆素衣冠，送之於易水之上。荆軻起為壽歌曰：風蕭蕭兮易水寒，壯士一去兮不復還。高漸離擊筑，宋如意和之。燕策史記俱無宋意事，唯陶淵明詠荆軻詩云：漸離擊悲筑。宋意唱高聲，與此有之。為壯聲，士髮皆衝冠，為哀聲，士皆流涕。疑於此也。余按遺傳舊跡多在武陽，似不餞此也。

漢景帝中元三年，封匈奴降王僕隰為侯國也。按漢

功臣表點注音恒吳李改作點誤今正之



又東過安次縣南

漢地理志安次縣屬勃海郡今東安縣

易水逕縣南鄭縣故城北

鄭在今任丘縣北

東至文安縣

與雩池合史記蘇秦曰燕長城以北易水以南正

謂此水也是以班固關駟之徒咸以斯水謂之南

易

又東過東州縣南東入于海

東州亦屬勃海郡在今河間縣境內古本作泉

候州

經書水之所歷泂次注海也

滹水出代郡靈丘縣高氏山

氏山海經作是

水經注

卷十一

滹水

九

即溫夷之水也出縣西北高氏山

埤云溫夷當作嘔夷山海

經曰高氏之山滹水出焉東流

經宋本于河者也

其水東南流山上有石銘題言冀州北界故世謂

之石銘陁也其水又南逕候塘候塘川名也又東

合溫泉水水出西北暄谷其水溫熱若湯能愈百

疾故世謂之溫泉焉東南流逕興豆亭北亭在南

原上欹傾而不正故世以欹城目之東流注于滹

水又東泉水注之水導源莎泉南流水側有莎泉

亭東南入于滹水又東逕靈丘縣故城南水中自



疑有脫文

亭林云齊地自齊

疑有脫文

源南注涇水應劭曰趙武靈王葬其東南二十里

故縣氏之縣古屬代漢靈帝光和元年中山相臧

臯舊本上請別屬也地理志曰靈丘之號在武靈

王之前矣又按司馬遷趙敬侯二年敗史記作九年敗作伐

齊於靈丘則名不因靈王事如漢注涇水自縣南

流入峽謂之隘門設隘於峽以譏禁行旅歷南山

高峰隱天深溪埒谷其水沿澗西轉逕御射臺南

臺在北阜上臺南有御射石碑南則秀郭分霄層

崖刺天積石之峻壁立直上車駕汾葦汾葦字未詳蓋言習

水經注

卷十一

射之事每出所遊藝焉涇水西流又南轉東屈逕北

海王詳之石碣南後魏書北海王名詳獻文皇帝之子也吳本改為詳今正之

御所屈石柱北而南流者也

南過廣昌縣南宋本作東南過廣昌縣南一作又南

涇水東逕嘉牙川川有一水南來注之水出恒山

北麓雖川三合逕嘉牙亭東而北流注于涇水水

之北山行即廣昌縣界涇水又東逕倒馬關關山

險隘是為深峭勢均詩人高岡之病良馬傳嶮之

行軒故關其名焉關水出西南長溪下東北歷

良馬以下疑有脫文



粟云采菊東  
籬下悠然見  
南山見字果  
勝望字水望  
澄明淵無潛  
甲望字却勝  
尾字一以真  
一以活各有  
妙理

關注瀛瀛水南山上起御坐於松園建祗洹於東  
圃東北二面岫鄣高深霞峰隱日水望澄明淵無  
潛甲行李所逕鮮不徘徊忘返矣。

又東南過中山上曲陽縣北恒水從西來注之

瀛水自劄馬關南流與大嶺水合水出山西南大  
嶺下東北流出峽峽右山則有祗洹精廬飛陸陵  
山丹盤虹梁長津泛瀾縈帶其下東北流注于瀛  
瀛水又屈而東合兩嶺溪水水出恒山北阜東北  
流歷兩嶺間北嶺雖層陵雲舉猶不若南巒峭秀

水經注

入卷十一

自水南步遠峯石磴逶迤訟途九曲歷睇諸山咸  
為劣矣抑亦羊腸邛來之類者也

邛笮其巖阻峻迴曲九折乃  
至山上凝水夏結冬則劇寒齊宋通和路出其間

其水東北流注于瀛水又東左合懸水水出山原  
岫盤谷輕湍瀟下分石飛懸水一匹有餘直灌山  
際白波奮流自成潭渚其水東南流揚湍注于瀛

宋云凡詩文  
無景造微處  
山水真形時  
或遊之此水  
未知能當此  
運否

瀛水又東流歷山世謂是處為鴻頭疑即晉書地  
道記所謂鴻上關者也關尉治北平而畫塞於望  
都東北去北平不遠兼縣上所拯也瀛水於是左



納鴻上水。水出西北。近溪。東南流。注于滄水也。  
又東過唐縣南。

滄水又東逕左人城南。應劭曰。中人城西北四十

里。亦或謂之為唐水也。水出中山城之西。如宋本無如

字。北城內有小山。在城西側。水銳上。若委粟焉。疑

即地道記所云望都縣有委粟關也。俗以山在邑

中。故亦謂之中山城。以城中有山之目。因復謂之

為廣唐城也。故中山記以為中人城。又以為鼓聚

殊為乖謬矣。言城中有山。故曰中人山也。中山郡

水經注

卷十一

治京相璠曰。今中山望都西二十里有故中人城

望都城東有一城。名竟始城。本無中山之傳。璠或

以為中人所未詳也。中山記所言中人者。城東去

望都故城一十餘里。二十里則滅。但苦其不東觀

矣。異說咸為爽矣。今此城於盧奴城北。如西六十

里。城之西北。泉源所導。西逕根山。孫云當作根北郎唐

音讀近實。兼唐水之轉。西流歷左人亭。注滄水。又

東左會一水。水出中山城北。郎中阜下。亦謂之唐

水也。然於城非西在。疑作北又名之為霍水。又兼二

諱云如往也。此在獨用此。字法後有北。如西北而如。東南如東皆。相類應宋本。反脫耳。

諱云以望都。中人取左。在素西相望。遠近有異。謂於中義或爽。故云阻苦其。不東也。耳伯。以其不矣三。字有脫誤。未詳耳。



名焉西南流入滹並所未詳蓋傳疑耳滹水又東恒水從西來注之自下滹水兼納恒川之通稱焉卽禹貢所謂恒衛旣從也滹水又東右苞馬溺水水出上曲陽城東北馬溺水東北流逕伏亭晉書地道記曰望都縣有馬溺關中山記曰八渡馬溺是山曲要害之地一一關勢帶接疑斯城卽是關尉宿治異目之來非所詳矣馬溺水又東流注于滹滹水又東逕中人亭南春秋左傳昭公十三年晉荀吳率師侵鮮虞及中人大獲而歸者也滹水

水經注

卷十一

十三

又東逕京丘北世謂之京南對漢頃王陵滹水北對君子岸岸上有哀王子憲王陵坎下有泉源積水亦曰泉上岸滹水又東逕白土北南卽靖王子康王陵三墳並列者是矣滹水又東逕樂羊城北史記稱魏文侯使樂羊滅中山蓋其故城中山所造也故城得其名滹水又東逕唐縣故城南北二城俱在滹水之陽故曰滹水逕其東城西又有一水導源盧奴縣之西北是城西平城之地泉湧而出俗亦謂之爲唐水也東流至唐城西北隅竭而

滹云云三墳  
即哀王在內  
矣後文亦有  
證



勝遊疑情遊處  
更勝處

朱云取字古  
杜陵云微徑  
不復取實有  
所本

為湖俗謂之唐池蓮荷被水勝遊多萃其上信為嬉處也其水南入小溝下注涇水自上歷下通禪

唐川之兼稱焉應劭地理風俗記曰唐縣西四十里得中人亭今於此城取中人鄉則四十也郡國志唐

縣有中人亭注引博物記云唐關在中人西北百里中人在縣西四十里唐水在西北入涇與應符合又言堯山者在南則無山以擬之

為非也關駟十三州志曰山治盧奴唐縣故域當作城在國北七十五里駟所說此則非也史記曰帝

嚳氏沒帝堯氏作始封於唐望都縣在南今此城

水經注

卷十一

十四

南對盧奴故城自外無城以應之考古今知疑作知今

事義全違俗名望都故城則八十許里距中山城

則七十里驗途推邑宜為唐城城北去山五里與

七十五里之說相符然則俗謂之都香山即是堯

山在唐東北望都界皇甫謐曰堯山一名豆山今

山於城北而如東嶺絕孤峙唐牙築立唐牙當山作虎牙

南有堯廟是即堯所登之山者也地理志曰堯山

在南今考此城之南又無山以應之是故先後論

者咸以地理之說為失又即俗說以唐城為望都



城者自北無城以擬之假復有之途程紆

疑脫一遠字

山河之狀全乖古證傳為踈罔是城西北豆山西

足有一泉源東北流逕豆山下合蘇水亂流轉注

東入滄是豈唐水平所未詳也又於是城之南如

東一十餘里有一城俗謂之高昌縣城或望都之

故城也故縣目曰望都縣在唐南昌

當作高昌南

謚曰相去五十里稽諸城地猶十五里蓋書誤耳

此城之東有山孤峙世以山不連陵名之曰孤山

孤都聲相近疑即所謂都山也帝王世紀曰堯母

水經注

卷十一

十五

前皆疑  
如結明

慶都所居張晏曰堯山在北堯母慶都山在南登

堯山見都山故望都縣以為名也唐亦中山城也

為武公之國周同姓其後桓公不恤國政周王問

太史餘曰今之諸侯孰先亡乎對曰天生民而令

有別所以異禽獸也今中山淫昏康樂逞慾無度

其先亡矣後二年果滅魏文侯以封太子擊也漢

高祖立中山郡景帝三年為侯國王莽之常山也

魏皇始二年破中山立安州天興三年改曰定州

治水南盧奴縣之故城周之衰也國有赤狄之難



譚云水黑曰  
盧不流曰奴  
山不連陵名  
之曰孤

譚云寫興廢  
之狀如在目  
前

齊桓霸諸侯，疆理邑土，遣管仲攘戎狄，築城以固之。地理志曰：盧水出北平，疑為踈闕，闕駟應劭之徒，咸亦謂是矣。余按盧奴城內西北隅有水淵而不流，南北一百步，東西百餘步，水色正黑，俗名曰黑水池，或云黑水。曰當作盧不流。曰奴。後漢書紀云：水黑曰盧，不流曰奴。故城北藉水以取名矣。池水東北際水，有漢王故宮處，臺殿觀榭，皆上國之制。簡王尊貴，壯麗有加，始築兩宮，開四門，穿城北，一作北城累石竇，通涿唐水，流于城中，造魚池，鈞臺，戲馬之觀，歲

水經注

卷十一

久頽毀，遺基尚存，今悉加上，疑作為刹，利靈圖池

之四周，民居駢比，填徧穢陋，而泉源不絕，暨趙石

建武七年，遣北中郎將始築小城，興起北榭，立宮

造殿，後燕因其故宮，建都中山，小城之南，更築隔

城，興復宮觀，今府榭猶傳故制，昔耿昭伯耿弁歸

世祖於此處也，滹水之右，盧謝云宋本作盧下同水注之上

承城內，盧水池，自漠及燕，涿滹水逕石竇，石竇既

毀，池道亦絕，水潛流出城，潭積微，一作漲渭埠云渭字

誤宋本作涓，以其潛水東北注于滹，滹水又東逕

流故涓涓然細也



漢哀王陵北冢有二墳故世謂之兩女陵非也哀  
王是靖王之孫康王之子也澠水又東右會長壘  
溝溝在上曲陽縣西北長星渚渚水東流又合洛  
光水水出洛光涓東入長星水亂流東逕恒山下  
廟北漢末喪亂山道不通此舊有下階神殿中世  
以來歲書法族焉晉魏改有東西二廟廟前有碑  
闕壇場相列焉其水東逕上曲陽縣故城北本岳  
牧朝宿之邑也古者天子巡狩常以歲十一月至  
于北岳侯伯皆有湯沐邑以自齊潔周昭王南征

水經注

卷十一

七

不還巡狩禮廢邑郭仍存秦罷井田因以立縣縣  
在山曲之陽是曰曲陽有下故此爲上矣王莽之  
常山亭也又東南流胡泉水注之受胡泉逕上曲  
陽縣南又東逕平樂亭北左會長星川東南逕盧  
奴城南又東北川渠之左有張氏墓冢有漢上谷  
太守議郎張平仲碑光和中立川渠又東北合澠  
水水有窮通不常津注

又東逕安喜縣南

縣故安險也其地臨險有井塗之難漢武帝元朔

世舊以下十六字  
句讀未詳疑  
沈闕



譚云以嶮得  
安國安成喜

疑脫一字

五年封中山靖王子劉應為侯國王莽更名寧嶮  
漢章帝改曰安嶮邑豐民安改曰安喜秦氏建元中  
岸嶮故曰安嶮宋本高岸崩頽城角之下有大積木交  
唐水汎長作漲橫如梁柱焉後燕之初此木尚在未知所從余考  
記稽疑蓋城池當初山水奔盪漂淪巨楸阜積於  
斯沙息壤加以城池謝云宋本作加以成地板築既興物固  
能久耳滄水又東逕鄉城北有舊盧奴之鄉也中  
山記曰盧奴有三鄉斯其一焉後隸安喜城郭南

水經注

卷十一

十八

有漢朝時孝子王立碑

又東過安國縣北

滄水歷縣東分為二水一水枝分東南流逕解瀆  
亭南漢順帝陽嘉元年封河間孝王子淑於解瀆  
亭為侯國孫宏即靈帝也又東南逕任丘城南又  
東南逕安郭亭南漢武帝元朔五年封中山靖王  
子劉傳富為侯國其水又東南流入于滄池宋本  
作滄池滄水又東北流逕解瀆亭北而東北注之矣

又東過博陵縣南



賢帝過醜前  
大統志為桓帝

涇水東北逕蠡吾縣故城南地理風俗志曰縣故  
饒陽之下鄉者也自河間分屬博陵漢安帝永初  
七年封河間王開子翼為都鄉侯順帝永建五年  
更為侯國也又逕博陵縣故城南即古陸城漢武  
帝元朔二年封中山靖王子劉貞為侯國者也地  
理風俗記曰博陵縣史記蠡吾故縣矣漢質帝本  
初元年繼孝冲為帝追尊父翼陵曰博陵因以為  
縣又置郡焉漢末罷還安平晉太始年復為郡今  
謂是城為野城涇水又東北逕侯世縣故南城謝云

水經注

卷十一

九

疑作故城南

又東北逕陵陽亭東又北左會博水水出

望都縣東南流逕其縣故城南王莽更名曰順調

矣又東南潛入地下博水又東南於瀆重源湧發

東南逕三梁亭南疑即古勺梁也竹書紀年曰燕

人伐趙圍濁鹿趙靈王及代人救濁鹿敗燕師于

勺梁者也

古本作敗燕師于勺燕而竹書但云

今

廣昌東嶺之東有山俗名之曰濁鹿羅地地

韓云羅地

地字有脫誤未詳

不遠土勢相隣以此推之或近是矣所

未詳也博水又東南逕穀梁亭南又東逕陽城縣



鍾云每於小  
景細事口角  
四翔便覺無  
限  
朱云詩文用  
方舟似盪觴  
此盪舸字較  
新

散為澤渚，渚水渚漲。謝云宋本作渚水渚漲。方數里，匪直蒲

筍，是豐實亦偏饒。菱藕至若嬰童，非角。古本作非，及當是少。

字之弱年女子。一作憇，子音宰。或單舟採菱，或疊舸折艾。

當作長歌陽春，愛深淥水。掇拾者不言疲，謠詠者

自。自下疑脫，和二字。于時行旅過矚，亦有慰於羈望矣。世

謂之為陽城澱也。陽城縣故城近在西北，故波得

其名焉。郡國志曰：蒲陰縣有陽城者也。今城在縣

東南三十里。其水又伏流循瀆，屈清梁亭西北，重

源又發博水，又東逕自隄亭南，又東逕廣望縣故

水經注

卷十一

城北。漢武帝元朔二年，封中山靖王子劉忠為侯

國，又東合嶠。古本作嶠，作嶠。溝溝上承清梁，波又北逕清源

城東，即將梁也。漢武帝元朔二年，封中山靖王子

劉朝平為侯國，其水東北入博水。博水又東北，左

則濡水注之。水出蒲陰縣西昌安郭南。中山記曰：

郭東有舜氏，其泉有舜及二妃祠。稽諸子傳記，無

聞此處。世代又。宋本又作云。遠異說之來，於是乎在矣。

其水自源東，逕其縣故城南，在渚。迴湍率多曲，復

亦謂之為曲。逆水也。張晏曰：湍水於城北，曲而西



流是受此名故縣亦因水名而氏曲逆矣春秋左傳哀公四年齊國夏伐晉取曲逆是也漢高帝擊韓王信自代過曲逆上其城望室宇甚多曰壯哉吾行天下唯雒陽與是耳詔以封陳平爲曲逆侯王莽更名順平湍水又東與蘇水合水出縣西南近山東北流逕堯始亭南又東逕其縣入湍湍水又東得蒲水口水出西北蒲陽山西南流積水成淵東西一百步南北百餘步深而不測其水又東南流水側有古神祠世謂之爲百祠亦曰蒲上祠

水經注

卷十一

三

所未詳也又南逕安陽亭東晉書地道記曰蒲陰縣有安陽關蓋安陽關都尉治世俗名斯川爲安陽壙蒲水又東南歷壙逕安陽關下名關畢爲唐頭坂出關北流又東流逕夏屋故城實中嶮絕竹書紀年曰魏殷臣趙公孫哀伐燕還取夏屋城曲逆者也其城東側因河仍墉築一城世謂之寡婦城賈復從光武追銅馬五幡於北平所作也世俗音轉故有是名矣其水又東南流逕蒲陰縣故城北地理志曰城在蒲水之陰漢章帝章和二年行



巡北岳以曲逆名不善因山水之名改曰蒲陰焉

水右合魚水水出北平縣西南魚山疑有誤石善巨焉

水發其下

魚山以下疑有譌誤

故世俗以物色名川又東流

注于蒲水又東入濡故地理志曰蒲水蘇水並從

縣東入濡水又東北逕樂城南又東入博水自下

博水亦兼濡水通稱矣春秋昭公七年齊與燕會

于濡水杜預曰濡水出高陽縣東北至河間鄭縣

宋本作鄭縣

入易水是濡水與雲池滄易互舉通稱矣

地理志曰博水東至高陽入河博水又東北徐水

水經注

卷十一

三

注之水西出廣昌縣東南大嶺下世謂之廣昌嶺

嶺高四十餘里二十里中委折五廻方得達其上

嶺故嶺有五廻之名下望層山宋本原若嶺盛若蟻蛭實兼孤

山之稱亦峻嶮也

謝云峻嶮疑作峻嶮

徐水三源奇發齊瀉

一澗東流北轉逕東山下水西有御射碑徐水又

北流西屈逕南巖下水陰又有一碑徐水又隨山

南轉逕東巖下水際又有一碑凡此三銘皆翼對

層巖巖鄣深高壁立霞跂

宋本作作

石文云皇帝以太

延元年十二月卓駕東巡逕五廻之嶮途覽崇岸

小云蟻蛭上  
一處筆  
在此他本  
成若庸  
信其為真



之竦峙，乃停駕路側，援弓而射之，飛矢踰于巖山，刊石用讚元功，夾碑並有層臺二所，卽御射處也。碑陰皆列樹碑官名。徐水屈東北，逕郎山，又屈逕其山南岑，山岑競舉，若豎鳥翅。立石嶄巖，亦如劍杪。極地嶮之崇峭。漢武之世，戾太子以巫蠱出奔，其子遠遁斯山，故世有郎山之名。山內有郎山碑，事具文。一作事具于文徐水又逕郎山，君子中觸鋒將軍，廣南廟前有碑。晉惠帝永康元年八月十四日壬寅發詔，錫君父子法祠。其碑劉曜光初七年前頽。

水經注

入卷十一

丘太守郎宣北平太守，陽平邑振等共修舊碑刻石樹頌焉。徐水又逕北平縣，縣界有漢熹平四年

幽冀二州以代子

以代子語有譌脫，蓋是二州爭境事，聞于朝耳。

詔書遣

冀州從事王球、幽州從事張眼、郡縣分境立石標

界，具揭石文矣。徐水又東南流，歷石門中，世俗謂

之龍門也。其山上合，下開，開處高六丈，飛水歷其

間，南出乘。

疑作垂

崖傾澗，泄注七丈有餘，湔盪之音

奇，為壯猛。觸石成井，水深不測，素波白激，濤襄四

陸，瞰之者驚神，臨之者駭魄矣。東南出山，逕其城

亭林云：乃徐水

承云：清水注

中有瀑布乘

巖之句，俗人

改作垂子引

漢書：淮南子

駁之見此注

益信流俗之

尚增也



中有故碑是太白君碑郎山君之元子也其水又東流漢光武追銅馬五幡於北平破之順水北乘勝追北爲其所敗短兵相接光武自投崖下遇突騎王豐於是授馬進保范陽順水蓋徐州之別名也徐水又東逕蒲城北又東逕清苑城又東南與沈水出蒲西俗謂之泉頭水也地理志曰北平縣有沈水東入河卽是水也東逕其城又東南左入徐水地理志曰東至高陽入河今不能也徐水又東左合會曹水出西北水朔寧縣曹河澤東南流

水經注

卷十一

左合岐山之水水出岐山東逕邢安城北又東南入曹河曹水又東南逕北新城縣故城南河南又逕北新城故城北此王莽之朔寧縣也曹水又東入于徐水水又東南逕一故城北俗謂之祭過城所未詳也徐水又東流入博水地理志曰徐水出北平東至高陽入于博古本作河又東入滏地理志曰博水自望都東至高陽入于河孫云今曹河徐河唐河諸水並合易

水經雄縣達直沽入于海

又東北入于易



涇水又東北逕依城北世謂之依城河他說無依  
城之名卽古葛城也郡國志曰高陽有葛城燕以  
與趙者也涇水又東北逕阿陵縣故城東王莽之  
阿陸也建武二年更封岸將軍任光爲侯國  
左涇水東北至長城注于易水者也

岸宋本作

八月十九日燈下閱此句語涉至多不可清

卷十一

卷十一